

Kontuola

ANTZUOLA / Eguena / 2004eko matxoaren 18a / 194. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Debarroko pilota txapelketan sei antzuolarrek hartuko dute parte, datorren astetik aurrera

AINTZANE IRIZAR

Datorren asteko martitzenean, martxoak 23, ekingo diote Debarroko eskuz binakako pilota txapelketari. Guztira, Olalde elkarteko sei pilotarik hartuko dute parte txapelketa horretan: kadete mailan hiru pilotarik jardungo dute eta nagusien mailan beste hiruk.

Lehenengo fasean, Debagoieneko eta Debabarreneko pilotariak, norik bere aldetik jokatuko dute ligaxka. Bigarren faserako, eskualde eta maila bakoitzeko bi bikote sailkatuko dira.

Esan bezala, datorren martitzenean, hilak 23, hasiko da txapelketa, eta finala, berriz, ekainaren 26an jokatuko dute.

KADETEAK ETA NAGUSIAK

Hiru mailatako pilotariak jokatzen dute Debarroko txapelketa: kadeteak, gazteak eta nagusiek, hain zuzen ere. Dena dela, Antzuolako Olalde elkartearen kasuan, kadeteak eta nagusiek bakarrik



Ezkerretik hasita, Aitor Jauregi, Asier Longares, Aitor Mendizabal, Josu Agirre eta Xabier Biteri.

parte hartuko dute. Nagusien mailan, hiru pilotarik jardungo dute: Josu Agirrek eta Xabier eta Jon Gurutz Biteri anaiek, hain

zuzen ere. Kadeteen mailan, berriz, honako hauek jokatuko dute: Asier Longaresek, Aitor Jauregik eta Aitor Mendizabalek.

Begarako bikoteen aurka jokatuko dituzte antzuolarrek lehendabiziko partidua, martxoaren 23an, Bergaran.

Olalde elkarteko kadete eta nagusien mailako pilotariak hartuko dute parte txapelketan

Begarako pilotarien aurka jokatuko dituzte lehendabiziko partidua

Aipatzekoa da, bestalde, Gipuzkoako txapelketa zaharrena dela Debarrokoa; urtero, balarako herri bati egokitzen zaio txapelketa hori antolatzea, eta aurten, Eskoriatza izan da arduratza hori hartu duena.



Azkonarra Ertzillan

Elurra egin zuen egunetan, azkonar batek aterpe ezin hobea topatu zuen Ertzillako txabolaren barnean, baserritik gertu. Badirudi, gainera, gustua hartu diola txoko horri; izan ere, hantxe jarraitzen du ordutik; eguneko joaten da txabolara eta lo pasatzen du ia egun guztia. Gauez, berriz, alde egiten du.

Animalia basatia izanik, oso bitxia da azkonar honen portaera, ez daude eta jendearekin ohituta. Asko inguratuz gero, beldurtu egiten da, baina, esan bezala, hantxe jarraitzen du. Ertzillako txabola hori botatzeko asmoa zuten, baina, oraingoan, ezin izango dute horrelakorik egin, bizi-lagun berria dauka eta. /A.I.

LABUR

Erretiratuek urteko batzar orokorra egingo dute etzi, zapatua, elkartearen egoitzan

Erretiratuen elkarteak etzi, zapatua, egingo du urteko batzar orokorra. Elkartearen egoitzan bertan izango da, 18:00etan. Oraingo batzarrean ez dute zuzendaritzan aldaketarik egingo, baina, azaldu digutenez, gai oso garrantzitsuak landuko dituzte, lokalaren gaia, besteak beste; horregatik jende guztia joatea komeni da.

Gaur, eguena, atera behar dira traste zaharrak, 20:00ak eta 22:00ak bitartean

Traste zaharrak ateratzeko eguna da gaur, eguena, Antzuolan. 20:00ak eta 22:00ak bitartean atera behar dira traste horiek, zaborraren ondora. Orain dela hilabete ingurutik, hilero dago Antzuolan traste zaharrak jasotzeko zerbitzua.

Emakumeen gaineko erakusketa oraingo asteburuan zabalduko dute berriz

Orain dela bi aste jarri zuten Giza eskubideak, emakumeen eskubidea izeneko erakusketa. Anelkarrek antolatutako argazki erakusketa hori aurreko asteburuan ere zabaldukoak zire. Zapatuan jarriko dute berriz ikusgai eta domekan ere zabalik egongo da.

ELKARRIZKETA

XABIER AZKARATE/TRIATLETA

“Neguko triatloietan bakarrik ibiltzen naiz; igerian ez naiz ondo moldatzen”

A.I.

Xabier Azkarate, Azkarate baserriko semea, denok ezagutu dugu korrikalari ona izan delako. Orain, triatloian jarduten du. Aurreko asteburuan, bosgarren egin zuen Reinosan (Kantabria) jokaturako lasterketa baten.

Korrikalari ezaguna zara gure artean, baina, triatloian noiztik zabilta?

Urte asko dira triatloian hasi nintzela, hamabi bat urte izango dira. Behin, kasualitatez, tokatu zitzaidan horrelako lasterketa bat ikustea, eta gustatu egin zitzaidan. Neure buruari esan nion: “Hauek egiten badute, neuk ere bai”. Eta horrelaxe hasi nintzen. Beti korrika ibili izan naiz, eta zerbait ezberdina probatu nahi nuen. Triatloi berezietan parte hartzen duzu: korrika, bizikletan eta eskiatzen. Aurreko bi asteburuetan bi lasterketatan parte hartu eta oso ondo ibili zara.

Bai; Jacako lasterketan, hamaseigarren egin nuen. Munduko Koparako frogari baliagarria zen. Reinosan, berriz, Kantabriari, bosgarren geratu nintzen. Nahiko pozik nago; gainera, kontuan hartu behar da orain dela lau urte lesio handia izan nuela. Beste triatloietan parte hartzen duzu?

Ez, izan ere, igerian ez naiz oso ondo moldatzen.

Talderen bateko kide zara?


Bai; Kantabriako Camargo taldekoa naiz. Triatloian ibiltzen nintzenean, hango jendea ezagutu nuen eta aukera hori izan nuen, onartu egin nuen.

Eskiatzeko, zela entrenatzen zara?

Astebururo joaten naiz Jacara, eta hantxe entrenatzen naiz, eskiatzen.

Eta bestelako entrenamenduak zela antolatzen dituzu?

Antzuolan eta inguruetan ibiltzen naiz korrika eta bizikletan; elu-



A.I.

“Eskiatzeaz gain, korrika eta bizikletan ibili ere elurretan egin behar izaten dugu”

rra egin zuenean, eskiatzen ere ibili nintzen baserri osteko zelaian. Gainera, aipatzekoa da korrika eta bizikletan ibili ere elurretan egin behar izaten dugula. **Antzuolako besteren bat ibiltzen da?**

“Neguko triatloietan bakarrik parte hartzen dut; udakoetan ez naiz ibiltzen”

Nik dakidala, ez; dena dela, Aitor Larreak parte hartu izan du lasterketaren baten. **Momentu honetan, ze lasterketa prestatzen diharduzu?** Espainiako txapelketa jokaturako dut asteburuan, Echoko bailaran.

HAUTESKUNDEAK

EAJk lortu zuen boto gehien Antzuolan

AINTZANE IRIZAR

Espainiako Gorteetarako hauteskundeetan, 1.647 antzuolarrek zuten botoa emateko aukera, eta 1.308k eman zuten. EAJ alderdiak lortu zuen boto gehien, 402, hain zuzen ere. Bergarako Ekimenaren aldekoak izan ziren bigarren, 288 botorekin.

Aipatzekoa da, alde batetik, parte hartzea oso altua izan zela, %79,5ekoa, hain zuzen ere. EAJ-ri eman zioten gehienek botoa, 402 lagunek, hain justu; *Autodeterminazioaren aldeko* bozka izan zen bigarren geratu zena, 288 botorekin. PSOE izan zen hirugarrena (181 boto); Aralar-Zutik

koalizioak 176 boto lortu zituen, EAk 153, PPK 53 eta IUk, azkenik, 36 boto. Aipatzekoa da, bestalde, Antzuolako Udaleko PSE-EEko zinegotzi Elvira Kortajarena Espainiako kongresuko diputatu aukeratua izan dela.

PROTESTA EKITALDIA EGUERDIAN

Hirurogei bat lagun elkartu ziren domeka eguerdian, Iruñeko Angel Berruetaren hilketa salatzen. Ertzainek, baina, galarazi egin zieten kontzentrazioa egitea; azaldu digutenaren arabera, pankarta zabaltzen ere ez zieten laga. Bestalde, goizean zehar herrian ibili ziren ertzainek, bi aldiz identifikarazi zituzten Gazte Asanbladako batzarrerako kartelak jartzen zebiltzan gazteak.



D.A.

Eguerdia bitartean, jende ugari ibili zen hauteslekuan.

KIROLA

PARTIDUAK

FUTBOLA

Martxoak 19
12:00: Antzuola-Bergara (Kadeteak)
16:00: Antzuola-Behobia (Gazteak)
Martxoak 21
15:00: Antzuola-Beti Ona (Gazteak)

PILOTA

Martxoak 19 (Udaberri Saria)
17:00: Olalde-Zarautz (Kadeteak)

EMAITZAK

FUTBOLA

Antzuola 1 Urnieta 2 (2. erreg.)
Antzuola 4 Eibartarrak 1 (Gazteak)
Soraluze 6 Antzuola 2 (Kadeteak)
Touring 5 Antzuola 0 (Neskak)

PILOTA

Udaberri Saria
Tartaloetxe II-Olalde (eskuz kad.). 4-22
Urnieta I-Olalde (paletaz) ... 20-35
Olalde-Altzaterra I (paletaz) ... 35-29

DEKORAZIOA
ABAD
PINTURAK
ANTZUOLA
PAPER PINTATUAK

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

LEKY-BERRI MERENDEROA

Janariak eta edariak

Tf. 943 76 60 94
ANTZUOLA

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23